



**Republika e Kosovës**  
**Republika Kosova- Kosova Cumhuriyeti**



**Komuna e Prizrenit**  
**Opština Prizren – Prizren Belediyesi**

## **Raporti për Projekt-Rregulloren për Menaxhimin e Mbeturinave në Komunën e Prizrenit**

Ky raport është përgatitur në përputhje me kornizën ligjore dhe rregullative në fuqi, duke u bazuar në Ligjin Nr. 03/L-040 për Vetëqeverisje Lokale, si dhe në Statutin e Komunës së Prizrenit Nr. 01/011-5643. Për hartimin e tij janë marrë parasysh edhe dispozitat përkatëse që rregullojnë funksionimin dhe përgjegjësitë e nivelit lokal.

Gjithashtu, raporti mbështetet në Udhëzimin Administrativ (MAPL) Nr. 04/2023 për Administratë të Hapur në Komuna, i cili përcakton standardet për transparencë, llogaridhënie dhe përfshirje të qytetarëve në proceset vendimmarrëse.

Në të njëjtën kohë, është respektuar edhe Rregullorja Nr. 01/2025 për Transparencë në Komunën e Prizrenit, e cila synon të forcojë qasjen në dokumente publike dhe të rrisë besimin e qytetarëve ndaj institucioneve komunale.

**Me datë 30.01.2026**, me numër protokolli 01.047/26, kryetari i Komunës së Prizrenit, Shaqir Totaj, ka nënshkruar vendimin për formimin e grupit punues për hartimin e Rregullores për Menaxhimin e Mbeturinave në Komunën e Prizrenit. Në përbërje të këtij grupi janë: Muhamet Bajrami (kryesues), Ismal Osmankaj (anëtar), Halil Lika (anëtar), Florentina Çoçaj-Hoti (anëtare), një përfaqësues nga shoqëria civile (EcMa Ndryshe), Haziz Krasniqi (anëtar), Besarta Cakaj (anëtare) dhe Arbër Gashi (anëtar nga KRM “Eko Regjioni”).

**Më datë 05.03.2026**, me numër protokolli 01.098/26, kryetari Shaqir Totaj ka nënshkruar vendimin për plotësim-ndryshim të vendimit paraprak (nr. 01.047/26, datë 30.01.2026), me të cilin është emëruar anëtar i komisionit Arbër Gashi nga KRM “Eko Regjioni”.

Konsultimi publik me qytetarët është organizuar nga grupi punues për hartimin e Projekt-Rregullores për Menaxhimin e Mbeturinave në Komunën e Prizrenit.

**1-Me date:** 16.02.2026 është mbajtur takimi i parë të pranishëm kanë qenë: Florentina Cocaj-Hoti, Halil Lika, Haziz Krasniqi, Islam Osmankaj, Arber Gshi dhe Muhamet Bajrami.

**2-Me date:** 24.02.2026 është mbajtur takimi i dytë i grupit punues të pranishëm kanë qenë: Florentina Cocaj-Hoti, Halil Lika, Besarta Caka, Haziz Krasniqi, Iendrit Meleqi, Arber Gshi dhe Muhamet Bajrami.

**3-Me date:** 10.03.2026 është mbajtur takimi i tretë i grupit punues, të pranishëm kanë qenë: Florentina Cocaj-Hoti, Halil Lika, Haziz Krasniqi, Islam Osmankaj, Besarta Cakaj, Endrit Meleqi, Arber Gshi dhe Muhamet Bajrami.

**4-Me date:** 11.03.2026 është mbajtur takimi i dytë i grupit punues, te pranishëm kanë qenë: Florentina Cocaj-Hoti, Haziz Krasniqi, Islam Osmankaj, Besarta Cakaj, Arber Gshi dhe Muhamet Bajrami.

**5-Me date:** 03.04.2026 është mbajtur takimi i pestë i grupit punues, te pranishëm kanë qenë: Florentina Cocaj-Hoti, Halil Lika, Haziz Krasniqi, Endrit Meleqi dhe Muhamet Bajrami.

**6-Me datë:** 04.04.2026 është mbajtur takimi i gjashtë i grupit punues, te pranishëm kanë qenë: Florentina Cocaj-Hoti, Halil Lika, Endrit Meleqi, Haziz Krasniqi.

**7-Me datë:** 16.04.2026 është mbajtur takimi i shtatë i grupit punues te pranishëm kanë qenë: Haziz Krasniqi, Arber Gashi, Halil Lika, Muhamet Bajrami dhe Islam Osmankaj.

**8- Me datë 20.04.2026** është mbajtur takimi i tetë i grupit punues, në të cilin kanë qenë të pranishëm: Florentina Cocaj-Hoti, Halil Lika, Haziz Krasniqi, Islam Osmankaj, Arber Gashi dhe Muhamet Bajrami.

### **Publikimet:**

Publikimet janë bërë me **27:04.2026** në webfaqe zyrtare të komunës, në facebook-un e komunës, si dhe në platformën e konsultimeve publike:

Në webfaqe:

<https://prizren.rks-gov.net/wp-content/uploads/2026/04/Njoftim-Shq-Tur-Bosh.pdf>

Në facebook:

<https://www.facebook.com/share/p/1Fo1Z3Yt2G/>

Në platformë:

<https://konsultimet.rks-gov.net/viewConsult.php?ConsultationID=43021>

Njoftimi si lajm në webfaqe:

<https://prizren.rks-gov.net/news/njoftim-per-organizimin-e-konsultimit-publik-me-qytetaret-per-rregulloren-per-menaxhimin-e-mbeturinave-ne-komunen-e-prizrenit/>

**Me 27.04.2026**, njoftimi dhe rregullorja përmes emailit u është dërguar, mediave lokale, OJQ-ve, organizatave, organizatave të studentëve.

**Me 05.05.2026**, është mbajtur konsultimi publik, vegëza e publikimit të lajmit për mbajtjen e konsultimit:

Në webfaqe:

<https://prizren.rks-gov.net/news/u-mbajt-konsultimn-publik-per-projekt-rregulloren-per-menaxhimin-e-mbeturinave-ne-komunen-e-prizrenit/>

Në facebook:

<https://www.facebook.com/share/p/1Ar4in3m6N/>

**Gjithashtu për përmbajtjen e rregullores është përgatitur edhe memorandumi shpjegues, memorandumin mund ta gjeni në këtë vegëz:**

<https://prizren.rks-gov.net/konsultimet-publike/?tax=memorandume-shpjeguse>

**Me 06.05.2026**, është publikuar procesverbali për mbajtjen e konsultimit publik, procesverbali është i publikuar në këtë vegëz:

<https://prizren.rks-gov.net/wp-content/uploads/2026/05/Procesverbali-per-Projekt-Rregulloren-per-Menaxhimin-e-Mbeturiname-ne-Komunen-e-Prizrenit-PDF-SCAN.pdf>

Dokumenti ka qenë në konsultim publik në uebfaqen zyrtare të komunës dhe platformën e konsultime publike, nga data **27.05.2026** deri me **12.05.2026**, ndërsa komentet janë pranuar deri me datë **12.05.2026**.

Përmes formës elektronike në emailat e zyrtarëve përgjegjës për pranimin e komenteve, kanë pranuar **2** koment në formë elektronike, 0 komente përmes platformës së konsultimeve publike, **13** komente janë pranuar gjatë mbajtës së konsultimit publik me qytetarë.

Takimi i fundit i grupit punues është mbajtur me **12.05.2026**, ku edhe janë shqyrtuar të gjitha komentet e pranuar.

**Tabelori me të dhëna për komente dhe përgjigje në komente:**

Metodat e konsultimit	Data / Kohëzgjatja	Numri i pjesëmarrësve	Numri i qytetarëve që kanë dhënë komente, kërkesa / sugjerime	Numri i kërkesave
1-Takim i drejtpërdrejtë me qytetarë për Projekt-Rregulloren për Menaxhimin e Mbeturiname në Komunën e Prizrenit.	05.05.2026 Nga :10:10 Deri: 11:15	F 9 M 28 T 37	15	Pranuar: 14 Pranuar pjesërisht:0 Refuzuar: 0 Adresuar: 3
Është mbajtur 1 konsultim publik				

Nr	Kërkesat /Sugjerimet / Komentet	Kush ka dhënë kërkesë/ sugjerim	Statusi i kërkesës:	Arsyetimi (komentimi për pranimin pjesërisht dhe mos pranimit të komenteve është i detyrueshëm)
1	1.Të eliminohet pika e grumbullimit të mbeturinave në rrugën “Xhavit Bajraktari”, afër ish-konviktit, pasi në këtë lokalitet qytetarët, veçanërisht fëmijët, janë të rrezikuar nga prania e qenve endacakë si pasojë e grumbullimit të mbeturinave.	Ilami Axhillari, Kryetar i Këshillit Lokal “10 Qershori” në Prizren (komente të pranuar në formë elektronike)	Pranuar	<p>Sektori i Mjedisit dhe Mbeturinave vepron sipas Planit Master të sistemit, me qëllim të ofrimit të një shërbimi efikas dhe cilësor. Vendosija e kontejnerëve publikë realizohet sipas sistemit: për shtëpitë private aplikohet sistemi “derë më derë”, për bizneset vendosen kontejnerë të veçantë, ndërsa institucionet duhet të kenë kontejnerët brenda lokacionit të tyre.</p> <p>Jemi të vetëdijshëm se ekzistojnë pika ku krijohen grumbullime të mbeturinave, por ne në vazhdimësi bëjmë pastrimin dhe menaxhimin e tyre.</p>
	2.Të ndalohet grumbullimi i mbeturinave në lagjen Nënkalaja – Pantalia, duke qenë se kjo zonë është e mbrojtur. Kërkojmë nga institucionet përkatëse, përfshirë organet e sigurisë dhe inspektoratin, të ndërmarrin masa për ndalimin e kësaj praktike, e cila ndikon negativisht edhe në imazhin e qytetit, sidomos për vizitorët e Qendrës së Shatërvanit dhe Kalasë së Prizrenit.		Pranuar	<p>Sektori mjedisit dhe menaxhimit të mbeturinave është vazhdimisht i angazhuar në trajtimin e çështjes së mbeturinave në lagjen Nënkalaja – Pantalia, të cilat në disa vende hidhen pa duke marrë parasysh rëndësinë dhe statusin e mbrojtur të kësaj zone. Në bashkëpunim me inspektoratin dhe organet e sigurisë do të ndërmerrim masa konkrete për parandalimin e hedhjes së mbeturinave në hapësira jo të përcaktuara.</p> <p>Po ashtu, kompania realizon pastrim të rregullt të kësaj pjese me qëllim të ruajtjes së ambientit dhe imazhit të qytetit, veçanërisht pasi zona frekuentohet nga vizitorët e Qendrës së Shatërvanit dhe Kalasë së Prizrenit. Por gjithashtu kërkojmë edhe nga qytetarët të bashkëpunojnë në ruajtjen e pastërtisë së hapësirave publike dhe trashëgimisë kulturore</p>
	3.Një kërkesë tjetër nga banorët e lagjes Bylbyldere, konkretisht në rrugën “Anif Muji”, është se, edhe pse rruga është e qasshme për mjetet e vogla për bartjen e		Pranuar	Kompania KRM Ekoregjioni e ka të specifikuar mënyrën e lëvizjes në secilin segment rrugor, ku përfshihet edhe intervali kohor i shërbimit. Kërkojmë nga ju të jeni më specifik

	mbeturinave, punëtorët e kompanisë “Eko-Regjioni” nuk e kryejnë rregullisht këtë shërbim.			dhe të na njoftoni për kohën kur automjetet nuk kanë ardhur sipas orarit të paraparë.  Ne do të ndërmarrim patjetër masa në raste të tilla, pasi të gjitha automjetet janë të pajisura me GPS dhe mund të bëjmë verifikimin e lëvizjeve dhe realizimit të shërbimit në teren.
2	1.Fondet të cilat KRM “Ekoregjioni” do t’i mbledhë nga taksat e qytetarëve nga shërbimi i mbeturinave si do të menaxhohen dhe nga do të shkojnë, a do të përdoren për mjedis apo si do të shfrytëzohen.	Liridona Karjagdiu	Pranuar	Shërbimi do të mbijetojë varësisht nga mjetet e inkasuara dhe kompania duhet të zhvillojë politika për arritjen e nivelit të qëndrueshëm për realizimin e inkasimit. Të gjithë e dimë që komuna nuk ka mundur të realizojë inkasimin e mjaftueshëm, kështu që janë krijuar shumë borxhe, ne do të ishim shumë të kënaqur nëse kompania do ta realizojë këtë arritje. Lidhur me tarifën prej 16.5 €, në rregulloren tonë nuk e kemi këtë tarifë, prandaj ne flasim vetëm për zonën e Komunës së Prizrenit.
3	1-Eshtë një deponi e krijuar në Mushnikovë, kërkoj që ky lokacion të pastrohet dhe të bëhet një investim në mënyrë që të mos përsëritet dukuria e njëjtë. Këtu gjinden mbetje të ngurta nga demolimet dhe të përziera. Po ashtu në Prevallë jeton një shok i imi i cili paguan taksën e mbeturinave 16.5 €/muaj. Kjo taksë përveç që është shumë e lartë, duhet të merret parasysh se ai është banor autokton. Pyetja tjetër është se hapësira publike në Prevallë është hapësirë shumë e uzurpuar, ku duhet të ankohemi, kush është kompetent për këtë çështje dhe kush duhet të ndërvejojë.	<b>Almir Bajrami-</b> Bashkësisë Lokale në Mushnikovë	Adresuar	Për ne Prevallë kompetente është Ministria e Mjedisit dhe është zonë krejtësisht e menaxhuar nga Ministria.
4	1.Pyetja ime është çfarë do të ndodhë me borxhet, a do të barten te kompania apo komuna do të zhvillojë procedura për nxjerrjen e këtyre borxheve. Mënyra se si i ka shpërndarë komuna faturat është më efektive dhe më e mirë	<b>Bashkim Gashi,</b> përfaqësues i shoqërisë civile	Pranuar	Kompania KRM “Ekoregjioni” veç ka filluar regjistrimin e bizneseve dhe amvisërive dhe këto do të tarifohen që nga periudha kur do të kalojë inkasimi te kompania. Borxhet nga komuna nuk do të barten te kompania dhe komuna do

	për kompaninë, sepse një faturë është vjetore dhe nuk mund të rritet çmimi në faturë, ndërkaq kompania do ta bëjë faturimin për çdo muaj, derisa mund të veprojë sikurse komuna. Jemi të vetëdijshëm që inkasimi nuk mund të realizohet 100%, por duhet të merret parasysh se komuna duhet të subvencionojë mjete për qëndrueshmërinë e shërbimit, duke u bazuar sipas praktikave nga komunat tjera që kanë probleme shumë të mëdha.			ta shqyrtojë mundësinë se si mund të kemi një procedurë për t'i nxjerrë borxhet nga amvisëritë.
5	1.Sistemi me të cilin kemi punuar shumë me Muhametin dhe të tjerë ka qenë një sistem shembull, prandaj edhe nuk kemi vërejtje, por dua të bëj një pyetje: një pjesë e mbeturinave hidhen në lumë, gjë që ka shkaktuar edhe ngushtimin e shtratit të lumit, siç janë mbeturina të ngurta nga demolimet, dhe ky ngushtim ka shkaktuar ngritjen e ujit nga vërshimet përtej shtratit të lumit. E dimë që uji vjen nga fshati Korishë, dhe në vërshimet e fundit ne kemi pasur shumë probleme. Ne si banorë jemi të gatshëm të bashkëpunojmë dhe jemi takuar me KFOR-in gjerman, ku ata na kanë ofruar mbështetje teknike me makineri për pastrim.	<b>Simon Veseli</b> - kryetar i këshillit të fshatrave: Velezhë, Sërbicë e Epërme, Trepeticë, Shpenadi dhe Smaç	Adresuar	Ministria e Mjedisit është kompetente për pastrimin e lumenjve jashtë zonës urbane dhe ankesat duhet të parashtrihen në Drejtorinë e Inspektoratit.
6	1.Kërkoj që mbeturinat në lokacionin afër shoqatës së saj të mos hidhen, pasi aty kemi shumë hedhje nga persona të papërgjegjshëm, por edhe ne si shoqatë shpesh kemi organizuar aktivitete për pastrimin e këtyre lokacioneve, prandaj kërkoj që të investohet në këtë lokacion në mënyrë që të parandalohet hedhja e mbeturinave.	<b>Resmije Krasniqi</b> , përfaqësuese e personave me aftësi të kufizuara, “HADER”	Pranuar	Spektori i Mjedisit dhe Menaxhimit të Mbeturinave vazhdimisht bën eliminimin e pikave ilegale të mbeturinave, por sidoqoftë ne do ta marrim parasysh këtë lokacion dhe do ta shqyrtojmë mundësinë për të realizuar ndonjë investim.
7	1.Kërkoj që të bëhet pastrimi i deponisë ilegale, edhe pse është e rrethuar nga komuna. Një	<b>Skënder Elshani</b> - kryetar i këshillit të fshatrave:	Adresuar	Për çdo uzurpim ankesa duhet të bëhet në Drejtorinë e Inspektoratit, ndërsa për hapësirën e gjelbër afër

	shëtitore është krijuar brenda në fshat, por hapësira në mes nuk është e rrafshët, prandaj kërkoj që të investohet në rrafshim dhe gjelbërim. Po ashtu në hyrje të fshatit kemi uzurpim të hapësirave publike.	Piranë, Sërbicë e Poshtme, Medvec dhe Zojz		shëtitores do ta shqyrtojmë si mundësi për të realizuar ndonjë park.
8	1.Ku duhet të ankohet një qytetar nëse kemi hedhje ilegale.	<b>Liridona Karjagdiu</b>	Pranuar	Ankesat e qytetarëve duhet të drejtuar në Drejtorinë e Inspektoratit kjo drejtori ka inspektorin e mjedisit dhe inspektorët komunalë, ku edhe duhet të bëhet ankesa për çdo dukuri që e dëmton mjedisin, në veçanti hedhja e mbeturinave.
	2.Sa gjoba mandatorë janë shqiptuar, ku mundemi ti marrim këto informacione		Pranuar	Sipas raportit vjetor janë prezantuar dy gjoba mandatorë per hudhjen e mbeturinave
9	1.Në hyrje të fshatit është një lokacion shumë i madh ku hidhen shumë mbeturina. Jemi ankuar shumë, nuk po dimë çfarë të bëjmë, edhe fëmijët luajnë aty afër, ku duhet të ankohemi.	<b>Ajet Shala-kryetar i fshatit Atmaxhë</b>	Pranuar	Komuna në vazhdimisi bënë pastrimin e lokacioneve nga hedhja e mbeturinave ilegale, por ende nuk kemi një projekt për krijimin e pikave transferuese, sepse duhet të gjejmë prona publike dhe ato po ashtu duhet të jenë të menaxhuara, për të cilat ekziston problem dhe investimi kërkon shumë.
10	1.Sipas raportit vjetor janë prezantuar dy gjoba mandatorë per hudhjen e mbeturinave	<b>Endrit Melezi-</b> perfaqesues nga OJQ Ec Ma Ndryshe	Pranuar	Ne bëjmë vazhdimisht pastrimin e lokacioneve nga hedhja e mbeturinave ilegale, por ende nuk kemi një projekt për krijimin e pikave transferuese, sepse duhet të gjejmë prona publike dhe ato po ashtu duhet të jenë të menaxhuara, për të cilat ekziston problem dhe investimi kërkon shumë.
11	Në Gjonaj dhe Tupëç, kërkoi që të vendosen kontejnerë te Lapidari, ku qytetarët mund t'i vendosin mbeturinat.	<b>Herolind Osmanollaj-</b> kryetar i këshillit të fshatrave: Gjonaj dhe Tupec	Pranuar	Ne si sektor e kemi një strategji të planifikuar ku vendosja e kontejnerëve bëhet vetëm në vendbanime kolektive, varësisht nga numri i banorëve, ndërsa në amvisëri bëhet shërbimi derë më derë. Vendosja e shportave neve na krijon pika të grumbullimit, të cilat po shfrytëzohen nga amvisëritë për hedhjen e mbeturinave nga shtëpia, prandaj ne po mundohemi të krijojmë një ambient më të menaxhuar dhe më të pastër.
10	1.Në hyrje te fshatit po krijohen mbeturina ku aty po hidhen	<b>Vehbi Shala</b>	Pranuar	Spektori i mjedisit vazhdimisht realizon projekte për vetëdijesim se

	shume mbeturina ne perroin e fshatit, dhe a duhet te ndermerni masa qe kjo dukuri te ndalohet.			mbeturinat nuk duhet te hidhen ne vende jo perkatese. Megjithate, dihet se ka persona te papergjegjshem qe i hedhin ato ne keto vende. Ne raste te tilla, eshte Drejtoria e Inspektoratit ajo qe duhet te veprojë dhe te marrë masat e nevojshme.
12	1.Nëse kemi ngritje të tarifës, a do të rritet efikasiteti i shërbimit nga kompania?	<b>Vesa Musaj</b>	Pranuar	Çdo kërkesë për ngritjen e tarifës është e llogaritur sipas analizave të shumta, varësisht nga frekuenca e lëvizjes së automjeteve dhe shpenzimeve të cilat e përcjellin komplet këtë menaxhim. Kjo frekuencë aktualisht është e llogaritur një herë në javë për çdo amvisëri sipas shërbimit derë më derë, ndërsa pikat kolektive të kontejnerëve në banime kolektive pastrohen 2–3 herë në ditë.
13	1.Kërkoj që të realizohet një aplikacion në telefon, ku qytetarët mund të shohin në platformë pikat më të afërta të mbeturinave, sepse sidomos amvisëritë jorezidente apo turistët nuk kanë informacione se ku janë këto pika.	<b>Xhenet Pupuz</b>	Pranuar	Propozimi për krijimin e një aplikacioni për informimin e qytetarëve është i mirëpritur dhe në përputhje me nevojën për rritjen e transparencës dhe efikasitetit në shërbim. Ne do ta shqyrtojmë këtë mundësi në bashkëpunim me drejtoritë përkatëse, me qëllim që qytetarëve dhe vizitorëve t'u ofrohet informim më i lehtë për lokacionet e shërbimit.
14	1.Në Gornje Lubinje janë krijuar shumë deponi të mbeturinave, prandaj kërkojmë që në këto fshatra të krijohet një lokacion apo pikë transferi ku t'i hedhin mbeturinat për atë zonë.	<b>Halid Karadillami-</b> kryetar i këshillit të fshatrave: Lubinje e Poshtme, Lubinje e Epërme dhe Drajqiç	Pranuar	Sa i përket krijimit të pikave transferuese në fshatra si Gornje Lubinje, kjo mbetet një sfidë për shkak të nevojës për sigurimin e pronave publike dhe menaxhimit të tyre. Megjithatë, ne do ta shqyrtojmë këtë kërkesë dhe mundësinë për identifikimin e një lokacioni të përshtatshëm, në mënyrë që të parandalohet krijimi i deponive ilegale dhe të përmirësohet menaxhimi i mbeturinave në atë zonë.

15	1.Kërkesë për aplikacion për pagesa online po më duket se keni ngecur mrapa me digjitalizim.Kjo do e përmirësoj dhe lehtësojë inkasimin.	<b>Sait Krasniqi</b> (koment i pranuar në formë elektronike)	Pranuar	Pagesa e shërbimit të mbeturinave mund të realizohet edhe përmes sistemit online. Ju lutemi të vizitoni zyrat tona për të marrë udhëzimet e nevojshme lidhur me çdo mënyrë pagese, në mënyrë që procesi t'ju lehtësohet sa më shumë. Sistemi është mjaft i sofistikuar dhe nuk paraqet pengesa në këtë drejtim.
----	--	---	---------	---

**Shkurtesat:**

F-Femra

M-Meshkuj

T-Totali

**Bashkangjitur në këtë raport janë edhe këto dokumente:**

1. Vendimi për formimin e grupit punues për hartimin e rregullores,
2. Njoftimin për mbajtjen e konsultimit publik,
3. Lista e nënshkrimeve të qytetarëve pjesëmarrës në konsultimin publik,

Raporti është përgatitur nga :

Laura Suka

Haziz Krasniqi